

續唐縣人物志略

士夫

左榮字翼彤由貢士官陝西華亭知縣工詩歌著有穀堂稿前後二集

邱浚字右軒性廉介不與人爭待奴僕無遮色以選拔授廣東香山縣縣丞毫不妄取及歸貧素如常生平樂以醫藥濟人著有哦松集

崔士英字如祁文學長子也隨任歸安父因分闈校士致疾醫藥罔效英私嘗糞知病不起焚香求代及卒

續唐縣志略

人物

三

扶觀歸里憂瘁之色闔邑爲之動容

洪殿宣字贊聖康熙甲子科舉人善制義人以黃鄧目之

陳璠字魯奇雪齋之家子天性仁孝學問該博隨任維川保全孤城識畧過人父解綬歸里備極色養及疾侍奉湯藥衣不解帶者四旬餘父卒哀毀骨立茹荼飲淡足不入內者五載郡進士陶國奇作傳著有續

快菴

陳璠字潤生號鉉圃康熙壬子科舉人歷官內閣掌典

籍事兼政治典訓館收掌

賜茶錦寶鈔卒於官私謚安節先生崇祀鄉賢著有四書寶筏禮記集要等書

陳于王字二陶璠之長子性謹醇好讀書屢試優等爲學使蔣虎臣特賞母卒水漿不入口者七日伏苦不能起立父再四勸慰始勉進一粥因母持戒遂終身茹素後中丙子經魁

陳于宁字二南號翊彤康熙丁卯科舉人中書改署霸州學正修文廟捐祭器并協理施粥放賑黎庶德

續唐縣志略

人物

之卒於官霸州士民請入名宦著有迂語七集

馬世猷字仲克舉壬午經魁言語動靜有禮居親喪每出入必焚香以告無異生存茹素三年未仕而卒邑人哀之

張挺字君指貢士性靜簡默文有奇氣

左懋功字圖麟貢士詩畫清真字楷遒媚

左捷字凱旋貢士工草書得其墨蹟人爭寶之

胡應隆字瑞徵庠生來臣遺腹子也父被兵刃後人憐指遇害之處必向哭悲號終身一日節母喪哀

篤禱代毋亡截髮割血虔設棺衾招父魂合葬廬墓
三年終身不餐葷食

王天全字篤生貢士天才奇橫數奇未遇

續唐縣志略

人物

四十一

婦女

賈氏廩生賈心淵女庠生陳瑞妻也明崇禎壬午城破賊欲亂之氏大罵不絕厲聲指賊曰我頭可斷身不可污也自迎刃碎首而死邑令申請未蒙旌表

臧氏吏員陳誥之繼室事姑至孝夫故氏年二十六毀容誓守撫幼孤成立姑死喪葬盡力拮据素好善待以舉火者數十餘家有司旌其門曰節婦義母

劉氏太學崔振裔之妻生員劉蘭之女也年二十四歲夫亡撫遺孤堅方六歲教誨成立有司屢匾其門

續唐縣志略

人物

四

張氏胡來臣之妻夫遭兵變被刃氏年十九欲以身殉復念懷妊倘得生男夫嗣不絕後產遺腹子應隆氏紡績教子入泮延撫郭題請奉

言建坊旌表今入節孝祠

米氏生員王心誠之妻夫故氏年二十六歲死而復甦者數次誓守堅貞治家有法大宗伯韓菴旌其門曰秋霜春暉閩郡紳宦表其閭曰節婦壽母邑令林善匾曰白髮丹心

王氏例貢王宙妻也夫故年二十餘無遺孤之息方五

歲敵引或人邑令旌其

松筠節操

師氏民師銀之女劉滄之妻也年十八夫故氏痛哭自縊人覺救之戚族苦勸曰汝甫生兒十月誰其鞠之此兒成立汝夫血食不斷矣氏服其言撫孤國祚漸成家業邑令匾其門曰節操鍾祥

康氏民康崑陽之女李逢時之妻年二十夫病故無嗣人勸其改適氏誓無二求代夫立嗣承繼宗祧邑令匾曰節義可風

劉氏民李偏兒之母也年二十三夫殘疾家赤貧夫亡

續原縣志略

人物

聖

苦無棺衾鬻三歲遺孤偏兒於生員賀大掄家得價構棺殮葬之母勸改嫁氏誓不從曰兒賣夫嗣絕矣積紡績餘資向賀生贖子還母子藜藿度日安州知州署唐縣事吳肇煌旌之

趙氏生員趙聰秀之女生員臧冲之妻也年二十六夫病篤禱神願以身代及夫故誓以身殉姑曰媳殉老身誰賴氏遂毀容堅守撫遺孤用正入泮邑令李士楷旌其閭曰荻筆遺範

邱氏廩生邱雲龍之女陳瑞之妻也姑患癰症凡

飲食滿便者氏親理不令婢代朝暮盥櫛衣履氏悉
跪服勞二十餘年無倦時逢地震甚危人皆入氏
獨越數門負姑而出房墻忽隕姑泣謂氏曰吾媳孝
心可達上蒼矣姑卒葬祭盡哀禮遠近稱之



續唐書

人物

四三